







*

1.

2.

3.

4.

5.

6.

7.



*

1. Fredericus Augustus, Rex Poloniae etc etc. Diploma
Comitum Sacri palatii Antaeque Caesarum et Im-
perialis Curatorum, quam [quod!] dominus Frede-
ricus Augustus . . . facultati juridicae in acad.
Lipsiensis . . . largitus est.
2. Barkius, Gualterus: De iuramento iudiciali
contra matrimonium non admittendo.
3. Friesleben, Fr. Fridericus: De juris prudentia scholarum
sive seu praeparando iuris studio in scholis.
4. Hilliger, Legim. Gualter: Disputatio juridica,
que actus occasione iudicis competentes vel
non. 2 Sampl.
5. Hommelius, Fr. Fridericus: De eo, quod ipse non
habens alteri dare potest.
6. Koenigler, Fr. Christianus: De praesentatione
litterarum cambiarum. 2 Sampl. 1717 - 1733.
7. Mendel, Henrich MW: De Frederico III Sapiente
vicario Imperii

1712.

8. Menckenius, Gerhardus Hermannus: De iustitia
iuramenti religionis.

9^{a, b, c, d}
= Menckenius, Ludovicus: De vi superioritatis territo-
rialis, in territoriis imperii clausis, et discernendo
ab eadem iudicio feudali; iustitiam feudi in eis sen-
tenti, cuius dominus directi relinquendo. 4 Sempl.
1712 - 1753

10. Menckenius, Christophorus Ludovicus: De usu paterno
ad alimenta nepoti illegitimo praestanda non obli-
gato.

11. Meutz, Fridericus: De vita et gestis Patroni, An-
togres, Summensium patroni.

12^{a, b} Mearius, Dr. Frider: De patientia iuridica
2 Sempl. 1712 - 1747.

13. Mearius, Dr. Frider: De bona fide non penitente,
ut idem his exgatur

fu.

70

m

tl

li

ant

te



17852

C

F

M

R

T

P

S

N

V

O

L

C

C

C

C

C

C

C

C

C

C

C



18

~~P. 2. 12.~~
Pri. 22. num. 26.
72.
1712, 4⁸

DISPV TATIO JVRIDICA

QVA

A C T I O N E S
OCCASIONE LVDI COMPETENTES
VEL NON

Die Klagen
welche in Ansehung des Spiels anzustellen sind
oder nicht.

DECRETO

ILLVSTRIS JCTORVM COLLEGII

PRÆSIDE

SIGISM GOTTLIEB HILLIGER
JVR VTR DOCTORE

PLACIDÆ ERVDITORVM COLLATIONI

AD DIEM 27 SEPT

SUBMITTUNTUR

JO GVILIELMO KONHARD LIPS


L I P S I Æ

ANNO MDCCXII



P. 208.

VENERANDO
DN PARENTI SVO
HANC DISSERTATIONEM
PRO
INNUMERIS ACCEPTIS BENEFICIIS
IN
MENTIS GRATISSIMÆ ARRHAM
SACRAM JVBET
FILIVS OBSEQVENTISSIMVS
JOHANNES GVILIELMVS KONHARDVS



VENERANDE DN PARENS

GRAVITER MIHI PECCASSE AC INGRATÆ
MENTIS POSTULANDUS ESSE VIDEBAR NISI
HAS STUDIORUM PRIMITIAS NOMINI TUO SA
CRAS ESSE JUSSISSEM PRÆTERQUAM ENIM
QUOD OBLIGATIO QUÆ PATRI DEBETUR A FI
LIO ILLUD A ME POSTULABAT BENEFICIO
RUM QUOQUE TUORUM MAGNITUDO ÆQUE AC
MULTITUDO ME SEDULO ADMONUIT UT EXI
GUUM HOC ACADEMICUM SPECIMEN ANTE O
CULOS TUOS DEPONEREM UT ENIM DE CIVI
LI OBLIGATIONE QUÆ MIHI SANCTA ET IN
VIOLATA ESSE DEBET INPRÆSENTIARUM TA
CEAM QUOT ME BENEFICIIS A PRIMIS STATIM
INCUNABULIS CUMULASTI QUAS CURAS PRO
SALUTE MEA GESSISTI QUÆ DENIQUE AD SUS
TENTANDAM VITAM NECESSARIA IN ME DE
RIVASTI QUÆ SI PAULO ALTIUS AD ACCURA
TAM ANIMI LANCEM EXPENDO INGRATISSI
MI SANE NOTAM MIHI INUREREM NEFANDA
QUE MACULA ASPERGERER NISI MEAM ERGA
TE FILIALEM PIETATEM QUACUNQUE OCCA
SIONE AC RATIONE POSSEM TESTATAM FA

CEREM QUAMVIS QUIDEM HOC CHARTACEUM
MUNUS TANTI NON FACIAM UT ILLUD REMU-
NERATIONIS LOCO PRO INNUMERIS BENEFI-
CIIIS PONERE VELIM TAMEN EO ME GRATVM
OSTENDERE NISUS SUM OBNIXE PREGATVS
UT NON TAM DIGNITATEM MUNERIS QVAM
POTIUS VOLUNTATEM OFFERENTIS ÆSTIMES
ACCIPE ERGO VENERANDE PARENS SERENO
VULTU MANIBUSQUE PROMTISSIMIS HOC
QUIDQUID EST MIHIQUE UT SEMPER SIC ET
IN POSTERUM FAVE DEUM AVTEM SUMMUM
INDEFESSIS PRÆCIBUS DEFATIGARE NON DE-
SINAM UT TIBI VITÆ DIVTVRNIORIS INCO-
LUMITATEM CONCEDAT FELICISSIMAM IN
DIES VIRES TUAS MAGIS MAGISQUE FIRMET
CORROBORET ET ADAUGEAT OMNIGENAM
QUE TIBI PROSPERITATEM IMPERTIATUR
VALE SCRIBEBAM LIPSIAE ID CAL SEPT XV

ANNO MDCCXII

DIS.

DISSERTATIO IVRIDICA

EXHIBENS

ACTIONES OCCASIONE LVDI COMPE-
TENTES VEL NON

PRINC.



UN LUDO, quem in sensu IURE
CONSULTIS consueto per
ACTUM, quo duo pluresve in-
ter se ludendo certant, & com-
muniter ea lege aliquid depo-
nunt, ut victori cedat, describi-
mus, sistuntur plerumque per-
sonæ tum PRINCIPALES, tum

definitio ludi.

In ludo occur-
runt personæ
Principales &
minus Princi-
pales,

etiam MINUS PRINCIPALES. Qui principalem
constituunt locum, ALEATORES tam VICTOR quam
VICTUS denominari solent; cum e contrario perso-
ne non adeo principales RECEPTORES ALEATORUM
ex una, mutuam vero pecuniam LUSORIBUS suppe-
ditantes, ex altera parte vocari queant. Hi omnes cer-
to habito respectu jus aliquod sibi competere existi-
mant. Receptor mercedem a ludentibus, ludentes vi-
ctoriæ præmium, ac perditæ repetitionem, mutuans
æs suum ab Aleatoribus acceptum, idque jam consum-
tum, aut in facultatibus adhuc existens postulare co-
nantur. Oriuntur exinde mutuarum partium petitiones,
Iudex imploratur, actiones, quibus jus nostrum perse-
quimur l. 51. D. d. O. & A. in iudiciis proponuntur. Ac-

6 ACTIONES OCCASIONE LUDI

cidit tamen vice plus simplici, Partes, imo & caufarum Patronos hafitare, quæ fata litibus fint e-ventura. Non igitur inutilem conatum fubituros nos fore putavimus, fi cuilibet Actori (fub quo nomine & Fifcum & Magiftratum nobis licebit comprehendere) intuitu lufionis agenti jura fua ex genuinis principiis vindicaremus, neque ea infuper habere- mus, in quibus reo præfidium quaerendum, feu ut clarius loquamur, quando exceptione non competen- tis actionis defendi eum oporteat. Quemadmodum itaque, re ipfa nunc explicata, Titulus Differtationi præmiſſus, ulteriori verborum explicatione non amplius indiget: Ita bono cum Deo ad rem ipfam deducimur.

II

Quærun-
t lu-
fores locum
inprimis ad
ludendum a-
ptum.
Et qui hos ſuf-
cipiunt vo-
cantur ſufce-
ptores.
Atque hi ſunt
vel publici, vel
privati.

Prima vero Aleatorum cura in loco ad luden- dum accommodato occupata eſſe ſolet, quam ob cau- ſam huncce vel apud ſemetipſos, maxime tamen apud extraneos conſtituendum exiſtimant, atque iis nomen ſpeciale RECEPTORIS SEU SUSCEPTORIS a jure tributum eſt. *vid. L. 1. §. 1. D. d. Aleat.* Dicti ſufce- ptores (potiffimum de extraneis fermo fiat) poſſunt conſiderari, quatenus vel publica autoritate ſunt conſti- tuti, & quatenus ſine permiſſione Magiſtratus inter privatos parietes lufores ſuſcipiunt.

III

Priaceps ſuf-
ceptores fo-
vere poteſt.

Nullum eſt dubium, Principem poſſe quibus- dam concedere privilegia, apud quos ludi, ſive deriven- tur ex arte ſolummodo, ſive ex fortuna tantum, ſive ex
utra-

COMPETENTES VEL NON 7

utraque specie simul exercentur *a. l. 1. Princ. D. d. Const. Princ.* maxime quando sic in hoc actu versari præcipit, ut juris naturæ præcepta exinde læsa esse non deprehendantur. Ergo ex dictis apparet, mercedem ab aleatoribus promissam & quidem secundum imperialis concessionis tenorem posse susceptorem actione locati *pr. J. Loc. Cond.* Si e contra nihil promissum, quantum Judex ex æquo & bono determinandum arbitrat. *a. l. 1. §. 2. D. d. Jur. del. impetrare.* Porro exinde concludimus, nec Magistratum secundum ea, quæ proposita fuere, Jus habere ex dispositione. *l. f. C. d. Aleat.* Susceptoris ædificium publicandi, nec susceptorem debere arceri ab actione contra eos, qui tempore lusus furtum, rapinam & quæ sunt alia delicta, commiserunt, quorum ramen vindicatio extra Principis concessionem ipsi non competebat. *l. 1. §. 1. & 3. D. d. Aleat.*

Et hñ tunc mercedem postulant.

IV

Cum vero Princeps urgentes ob causas ludos introduci regulariter haud voluerit, susceptores inde privati etiam & publica autoritate destitutis reputandi erunt. Possemus itaque iis hac ratione primo statim intuitu omnem facile denegare actionem; attamen cum distinctio in ludos virtutis, fortunæ & mixtos jam antea enarrata ad varia nos deducat memorabilia, sicco pede ea præterire haud congruum putamus.

Princeps vero hæcenus non toleravit Susceptores.

V

Ludos cum virtute commercium habentes, hoc Actionem merito confertur est

§ ACTIONES OCCASIONE LUDI

quantur Su-
ceptores Lu-
forum virtutis
gratia.

est, qui saliendo, pilo jaciendo, vel currendo fiunt, permissos ex *l. 2. §. 1. D. d. Aleat.* imo *μονόβολον* saltum sine conto. i. e. saltum singularem *κοντομονόβολον* saltum conto suffultum *κοντανόν κίντανα χερεις της ώόρηης* jaculationem hastæ pili vel conti sine cuspidē ab inventore *Quintinianam* dictam, *περαχυτήν* collocationem *ισαταιήν* equorum cursum a Justiniano introductos esse constat. *L. f. C. d. Aleat.* FRANTZKIUS *ad D. p. m. 322.* Colligimus proinde dictorum lusorum susceptores actionibus propriis debere audiri, si hi mercede ab his conduxerint locum, in quo eo promptius Ludo operam dare poterant. Nec hac in parte movet nos quippiam, susceptorem in genere odiosum haberi & non fieri in *L. 1. §. 1. D. d. Aleat.* aliquid discrimen, ergo denegandam actionem. Respondemus enim non videtur probabile, Imperatorem voluisse his undique consideratis circumstantiis hoc genus Receptorum improbare, maxime quod ad usum honestum locatio subsistat, omne autem a lege concessum inprimis pro honesto sit reputandum; Accedit, ludentibus vix aliquando in propriis suis caseolis superesse spatium ad ludos recensitos commode exercendos applicandosque. Num ergo plane intermittere deberemus exercitia? non existimamus. Cui enim fontem concedimus, viam ad illum ducentem simul à nobis concessam esse suadet *l. 3. §. f. D. d. S. P. R. j. a. l. 2. D. d. jurisd.* Applicatio facilis.

VI

Non tamen a-
quant suscepto-

Dicitur in *l. f. C. de aleat. nec permittimus etiam*

in his ludere ultra unum solidum, si multum droes sit. res, si colloso-
 Quod si igitur ob majus lucrum decertare conarentur res ipsi scien-
 ludo dediti, locator vero loci eos sciens receperit, & tibus ordina-
 postea ex locato, aut ex contractu innominato aliquo riam summam
 experiri, actionis non competentis exceptionem ob in ludo exce-
 stare crederemus, eademque fata receptoribus ludo- duat.
 rum fortuna & mixtorum a jure civili improbato- Quod simili-
 rum, nec non iis delicto convenientem insuper a ter in ludis
 Magistratu poenam facile vaticinaremur. Acerbum fortunæ mix-
 forte judicium esse quis dixerit, eum condemnare, tisque statu-
 quem reum sceleris societas non faceret. *l. 18. C. d. endum*
pæn. Regerimus ad hoc, quanquam ordinarium su-
 um pretium non sit egressus receptor, tamen actum
 contra legem ipso jure nullum permittens peccavit,
 & dum hoc sciens fecit, mandasse tacite atque in ea-
 dem culpa fuisse existimatur *a. l. 60. l. 152. §. 1. D. d.*
R. 7. imo qui celat furem, eo ipso furti tenetur. *l. 48.*
§. 1. D. d. Furt. Hoc certe Locatori præjudicio esse
 non posset, si collosores præmium legibus non proba- Agunt tamen
 tum clam, sub prætextu tamen justii pretii, posuerint, receptores, si
 dolus enim solummodo alicui non debet patrocina- sunt in bona
 ri, bene tamen bona fides cuique sua *c. 33. in f. X. de fide.*
offic. & pot. jud. del.

VII

Porro quemadmodum Jus Romanum lusus for- Susceptores
 tunæ & mixtos haud admittit. *d. l. f. C. d. aleat.* ludorum for-
 verb: *Nulli liceat in publicis,* & per consequens su- tunæ & mix-
 ceptores non tolerat *l. 1. §. 2. D. d. Aleat.* ita hi a lu- torum non
 approbantur,
 B den-

& sic nec actiones habent.

Cautela

Limitatur apud Saxones.

dentibus salarium postulantes, procul dubio exceptione non fundatae actionis a limine iudicii erunt repellendi, nec ulli dubitaremus, & hic, quod communiter ajunt, iudicem hujus generis libellum sibi porrectum ex officio tanquam ineptum & legitima causa destitutum dentibus lacerare posse *Gloss. ad cap. 41. Caus. XI. qu. 1. vid. CARPZ. P. 1. C. 2. D. XI. n. 5.* insuper svaderemus futuro agenti, ut nequidem vel indirecte, quod promissum ipsi erat salarium petere curet, ne fortassis, si Magistratus petitionis illius originem inquisiverit, & publicatione domus susceptoris processerit. *l. f. C. d. Aleat. in f. verb. domibus eorum publicatis* statum suum deplorare necesse habeat.

Jure tamen Saxonico, quod in Electoratu viget, cum lusus fortunae & mixti simpliciter non sint prohibiti, sed ita admissi, si homines, octavum decimum annum excedentes, nobilioris quidem conditionis unum Joachimicum, excellentioris gradus ex civium ordine dimidium Thaleri, inferioris autem quatuor grossos, rustici tandem unum grossum uno mense solummodo deperdant. *ORD. POL. d. Ann. 1661. T. 8. §. iedoch* 2. Jus Civile (inprimis, quod in Saxonia, etiamsi leges praetergressi sint, acerbitas Romanorum non obtinet, sed 10 Thaleris reus multandus, & inopia laborans carcere coercendus juxt *ORD. POL. d. a. 1661. T. 8. §. welcher Magnif. Dn. MENCK. D. ad Tit. d. aleat.* olim quidem 20 Thaleris. *vid. d. POLIC. ORDN. d. 1612. §. Welcher nun hierwider C. S. p. 570.*) applicandum haud censemus, sed suscepto-

pro-

ptori datam formam rite observanti, ob rationes positioni quinq̄ insertas, actionem & exactionem tribuimus. Quod simili modo dicendum, si ludentes convictus & prandii cuiusdam gratia congressuri tertii locum sibi elegerint *d. Ord. & ea d. anno 1612. §. alleg. C. S. p. 570. conf. l. 4. pr. D. d. Aleat.*

Etiam in ludo prandii gratia instituto.

VIII

Quæsitio nunc loco ad ludendum apto & conductis receptoribus conveniunt ludentes. Sæpenu- ro anrequam, quod notandum, adhuc aleæ operam navant, rixa oritur, hospiti bona auferuntur, atque idem injuria afficitur. Dum injuriam vindicare intendit, Advocatum consulit hospes. Orator causarum minus circumspectus dubio procul inductus dispositione *l. 1. §. 1. D. Aleat.* ubi huic nullum promittitur auxilium, patrocinium, conscientia fortèan supra modum deditus, denegabit. At simpliciter clientem futurum velle repellere, & injuriosum, propriaque utilitati haud conveniens videtur. Explorabit itaque solers causarum indagator, an injuria illatae principaliter sint evomitæ, ex causa forsan, qua super modo ludendi consilium ceperunt, & sic deinde rixæ sint exortæ, atque bonorum ablatio subsequuta, an vero ex colloquio nullam lusus mentionem faciente, honesto tamen, recensita incommoda fuerint exorta. Priori casu consultius acturus est, si plane ab actione desistat, vires e contrario in posteriori casu periclitari poterit. Neque obstat, partes lu-

Ante ludum inchoatum aliquando apud susceptorem rixa oritur.

ubi distinguendum an injuria intuitu lusus, an extra illum intuitum sint evomitæ.

Ex causa posteriori recte agit

Obiectio.
Resolutio
Objectionis

dendi tamen gratia congressum suscepisse, ergo conscientias malae conversationis fuisse. Enimvero ludi nullum adhuc fuit initium factum, multa insuper impedimenta futura erant, ut plane a ludendo desisterent, odia quoque in poenalibus debere restringi, æquum dijudicat C. 15. X. d. R. J. in 610.

IX

Ex Lusoribus
unus vincit,
alter vincitur

A præliminaribus Aleatores, nisi impedimentum accedat, ad ipsum ludendi Actum progrediuntur, & quanquam ambo ex iis plerumque lucrandi habeant animum juxta effatum OVIDII lib. 3. d. arte amandi

Sed nimius labor est, sapienter jactibus uti,

Majus opus mores composuisse suos.

Tunc sumus incauti studioque aperimur ab ipso,

Nudaque per lusus pectora nostra patent.

tamen vel pari prælio discedunt, vel, quod sapiens accidit, unus vincit, alter in contrarium vincitur. De victore igitur primo loco agendum erit.

X

Victores sunt
vel Clerici vel
Seculares.

Piores sub
pœna prohibentur ludere

Distinguere potissimum debemus personas Clericali & Seculari ordini addictas. In ordine anteriori constituta sicuti proorsus a Pontifice INNOCENTIO III. sub comminatione beneficiorum Ecclesiasticorum amittendorum a ludis prohibentur, c. pen. XV. X. d. vita & honest. Cler. Conf. c. 3. dist. 23. & c. XI. X. d. Excess. Præb. quod & obtinet Jure Saxoni-

CO

co *Art. Gen. 16. §.* Derowegen sie sichre. Imo si spectatores tantum adinventi fuerint, suspensione trienni ab officio puniuntur *Auth. Interdicimus C. d. Episc. & Cleric.* ita nec victoria ipsis aliquid prodesse potest, sed cum expensis a lite discedere tenebuntur. Et si etiam quam maxime a victo licitam alias pecuniam quis acceperit, nec victus animum habuerit repetendi, quod quidem Jure potuisset, tamen lucrum à Fisco Sacerdoti extorquebitur. *arg. l. 9. in f. D. d. Jur. Fisci.* Neque aliud (quod tamen BRUNNEMANNUS *ad. d. Auth. num. 5. censet*) statuendum erit in lufibus ingenii, cum lex nullam statuatur limitationem *a. l. 8. D. d. Publ. in rem act.* & scandalum, in persona a sanctitate muneris conspicua sollicitate sit declinandum. *vid. Dn. MENCKE ad D. p. 163. Voc. Cleric.*

nec Spectatores admittuntur.

Idem statuendum in Ludis ingenii

XI

Laxior ex lufu petendi potestas concessa videtur Secularibus. Quando etenim distinctionem lusionum superius declaratam retinemus, nemo dubitabit, ex virtute proveniens lucrum (modo ditiores ad singulas commiffiones, seu ad singulos congressus aut vices unum affem, seu numisma, seu solidum, pauperiores vero longe minorem pecuniam non transgrediantur, *verba sunt l. 1. C. de Aleat*) justissime peti posse *l. 2. §. 1. D. d. Aleat. l. f. C. d. Aleat.* unde conditionem ex legibus dictis competere non inepte quis dixerit. In uno hoc vacillare videntur Doctores, quem in modum Judex pronuntiare debeat, si a

Seculares meliori jure ludunt, quam Clerici.

Inprimis si in ludo virtutis una vice solidus deponatur.

judicis judi-
cium in lufore
minus locu-
plete.

Quis dicatur
pauper.

minus locuplete pecunia intuitu lufus acquisita petatur. Absque dubio facultates diligenter erunt explorandae, quo facto Judex merito deliberat, actorique tantum tribuit, quantum ipsi justum ac equum futurum videtur *a. l. 1. pr. in f. D. d. 7. & 7.* imo contra pauperem (quos qui minus, quam quinquaginta aureos habent, jura existimaverunt *l. 10. D. d. Accusat & Inscript.*) auxilium legis nostrae Victori competere eam potissimum ob rationem credimus, quod lucrum ex virtutis lufu obveniens tanquam honorarium ex labore sit considerandum, ad quod ne alicui officium suum eveniat damnosum *l. 61. §. 5. D. d. Furt.* & pauper adstringitur, inprimis cum legem eos ab hoc onere eximentem prae se habeant nullam, & de se merito ipsi querantur, qui rei se immiscuerunt, quam rectius potuissent evitare *l. 36. D. d. R. 7.* accedit, pauperem non arceri ab emtione aleae *l. 8. §. 1. D. d. Contr. Emt.* ergo quoniam virtutis lufus Aleam quodammodo imitatur, (semper enim incertum est, quisnam victoriam sit reportaturus) conclusio ad pauperem evidens erit.

XII

Victor jure
Romano ex
fortuna &
mixtis ludis
nullam habet
actionem.
Aliter jure
moderno.

Quanquam vero Jure Romano ex ludis, qui a fortuna, aut arte & fortuna simul dependent, victori nullam actionem debeamus promittere *a. l. 2. §. 1. D. d. Aleat. l. f. C. eod.* istum tamen rigorem jure moderno quodammodo moderatum invenimus. Confulentibus RECESSVS IMPERII *d. anno 1570. Fuß- knechts*

fnechts-Bestallung, *pos. 21.* verba sunt evidentissima: Es soll auch keiner den andern auff dem Spiel auffschlagen, noch weiter, denn er baar Geld hat, spielen; wo aber einer dem andern viel oder wenig auff Borg abgewinnet, soll ihm der andere nichts darum zu zahlen schuldig seyn, ex quo colligimus, victori equidem nullum jus agendi competere, si non illico a victo numeratam pecuniam exegerit, sed ei potius habuerit fidem, huic tamen nec litem esse movendam de lucro extorquendo, quod semel ipsi exolutum erat, una intelligimus, neque existimamus, victo ob insolitam pecuniae summam deperditam ad illam repetendam actionem esse indulgendam. Certus enim & determinatus modus hic non est praescriptus, dicitur potius, in quantum quis numerato secum habet; praeterea veritas ex contrario sensu patebit. Sic enim concludimus. Si solum mihi non est permissum ludi praemium petere, quando collusori fidem habeo de pretio, sive hoc sit alicujus momenti, vel non, sequitur, si fidem non habeo, sed pecunia mihi statim traditur, istam meam fieri.

XIII

Respicentes ad Jus Saxonicum antiquum, illud non multum discrepare, imo paulo rigidius esse Jure Romano dicendum, quandoquidem ibi sine distinctione Victori actio denegatur. Dum enim haeres, qui tamen in omne jus defuncti successit, *l. 59. § 62. D. d. R. J.* solutionem praestare non adstringitur per Landr.

Jus Saxon.
Antiq. indi-
stincte Victori
actionem de-
negat.

L. 1.

16 ACTIONES OCCASIONE LUDI

L. 1. art. 6. ibidem: Wer das Erbe nimmt, der soll zu Recht die Schuld gelten, als ferne als das Erbe weret ander fahrenden Habe. Dieberey noch Raub, noch Spiel-Geld ist er nicht pflichtig zu gelten, imo iudex prohibetur de ejusmodi pecunia iudicare juxta *Weichb. art. 101.* beklaget iemand den andern um Geld, der soll benennen vor dem Richter, warum man ihm das schuldig sey; wann es ist um Spiel, da darffer ihm nicht um antworten, noch der Richter auch nicht richten, merito igitur, & Actorem a limine judicii esse depellendum, affirmamus. Nihilominus non obstantibus verbis ultimis

Ex officio tamen iudex recte inquit. ex officio in commemorata delicta recte iudex inquit ob interesse publicum. *l. 9. §. 5. D. d. Publ. & Vect.*
Dn. MENCK, ad D. p. 162.

XIV

Rigori antiquo derogatum postea est per Jus Sax. El.

Recensitum rigorem erga Victores limitatum invenimus in sanctionibus Electoris Saxoniae. Haec enim cum virtute conjunctas lusiones indistincte, si meri lucri gratia non instituuntur, admittunt, ORD. POL. d. a. 1661. Tit. 8. §. n. an stellen wir zwar nullo quidem pretio, quousque scilicet Lusoribus liceat deponere, definito. Possit ergo quis sibi facilius persuadere, quatenus nimirum aliquis rerum suarum arbiter habeatur *l. 21. C. Mandat.* eatenus licitum quoque esse ludis coneredere, per consequens victori contra reum in quovis casu iudicium dandum esse; At vero cum Juris Civilis dispositio apud Saxones in subsidium tandiu, donec

nec contrarium sit edoctum, locum inveniat *a. P. 2. C. 10. pr.* **Wesln in Sächsischen Rechten** *re. merito & hoc jure elargimur Victori potestatem in commate XI expositam.*

XV

Quemadmodum vero ex olla fortunæ **dem** Ex olla fortunæ nulla actio permittitur.
Glücks-Topff, aut simili ludo inhonesto nullam voluit exactionem victori concedere Serenissimus Legislator juxta **Policey-Ordn. d. a. 1661. Tit. 8. §. f. Ord. Pol. d. 1612. §. 12. p. 570. Corp. Sax.** ex ratione, quæ sequitur. **Dieweil auch durch das Topff-Spiel oder den Glücks-Topff manchem das Geld aus dem Beutel gelocket worden, soll dergleichen in unsern Landen keinem dergleichen zu halten nachgelassen, vielweniger ander Gaukel-Spiel verstattet werden,** quippe & Magistratus permittens 100. Thaleris punitur; ita e contra Victor non est prohibitus ex ludis Bene tamen ex ludis artis, fortunæ & mixtis.
ausm Schacht-Spiele commodum petere, modo nulla fraus, nec verba injuriosa, aut persona nondum attingens decimum & octavum annum intercedat. *d. ORD. POL. §. allein §. iedoch vid. Com. VII.* Post hæc requisita victor haud existimet sibi jus competere, quantum libuerit lucrari. Præscriptum enim habemus Actio tamen saltim datur ad summam a legibus præscriptam.
 in ludo & quovis mense aliquid amittere possit. **Ca-**
talogum rei sicuti supra §. VII. retulimus, ita nunc ipsa
Legislatoris verba apponere juvabit: iedoch, daß ei-
ner

ner von Adel über einen Thaler, ein vornehmer Mann, so bürgerlichen Standes ist, über zwölf gel. und ein Handwercks-Mann über 4 gel. ein Bauer aber über einen gel. auff einmahl nicht verspiele, solches auch in einem Monath über einmahl nicht geschehe; cuiuslibet potius rei familiaris curam incumbere existimantis.

XVI

Quid juris, si
major summa,
quam legibus
permilla petatur.

Casus tamen facile posset emergere, ut forte per imprudentiam Advocati major, quam legibus recensitis permilla summa petatur a victo, an audiendum esse victorem dicamus, si deinde ad minimum quoad quantitatem licitam satisfieri sibi cupiat? Scimus quidem, doctrinam JURIS CONSULTORUM in materia mandati eo venire, actionem habere mandatarium quoad summam concurrentem, si scilicet fines mandati excesserit §. 8. J. de Mandato STRYCK. Not. ad Laut. p. 288. quod in donationibus, ultra quingentos solidos existentibus judicialiter non insinuatis, quæ quoad excessum corruunt, obtinere quoque certum est l. 34. pr. §. 1. C. de Donat. verum cum hoc loco leges Principis insuper habitæ sint, & dicti agentes pro delinquentibus & prætergradientibus legem reputandi, quibus privilegia non permittenda Nov. 17. c. 5. recensitam doctrinam vix locum hic invenire censemus, argumenta ducentes ab eo, qui usurariam pravitatem semel commisit, & deinde ex ea in iudicio egit, etiamsi postea ordinarias & lege concessas usuras desideret, non tamen audi-

auditur, sed poena competenti afficitur. Conf. *Mand. El. von wucherlichen Contracten d. 1609. 1614. & 1625. Corp. Sax. p. 499. seqq.* Ex quibus deinde inferre licebit, etiamsi victor ab initio statim a victo, a quo tamen majus in ludo lucrum extorserat, a lege indultum commodum petierit, tamen a victo incompetentis actionis exceptionem posse opponi, si scilicet reus probaverit, privatos inter parietes victorem prætergressum esse modum imperialem præscriptum. Est enim omnis lusus contra Principis Mandatum perniciosus, qui impunitus esse non debet *l. 50. §. f. D. d. Furtis.*

XVII

Num vero & hunc juris rigorem extensum dicamus contra pupillos minoresque, si scilicet a majorennibus, mediante ludo, prohibitam pecuniam summam lucrati sint? Etiam si enim multa pro hisce personis in jure singularia introducta sciamus contra juris rationem *l. 14. 15. & 16. D. d. Legibus. Conf. l. 42. in f. D. d. Administ. & per Tut.* posthæc pro iis militare videatur, quod conditionem suam meliorem facere possint, *pr. Inst. d. Aut. Tut.* & ista conditio in præsentia existat bona; At vero quando in contrarium perpendimus, ludum pro re nata non esse modum dominii acquirendi comprobatur BRUNNEM. *ad l. 3. C. d. Aleat.* maxime quod minores & pupilli ex inhonesto lucro locupletiores fieri nequeant, debent enim & hic cum Tutoribus suis bonam fidem agnoscere *l. 9. §. 6. D. d. Admin. & per Tut.* Ergo concludimus, personas

Neque pupilli,
nec Minores
a lege impro-
batam sum-
mam petunt.

memoratas actiones suas juxta jus constitutum commune formare teneri.

XVIII

Huc usque jura victori competentia sunt exposita, poscit ordo, ut nunc quoque aliquid de victo profiteramur: Habet ille vel liberam rerum suarum administrationem, vel non habet. Ad ultimum referimus pupillum, minorem, filium familias *L. 4. §. 1. D. b;* nec non ceteros propter mentis imbecillitatem curatoribus indigentes. Pupillus quidem dum vincitur, conditionem suam deteriore facit *pr. J. d. Aut. Tut.* & nullius rei alienatio ipsi soli concessa. *§. f. J. Quib. al. licet vel non.* Ergo pupillum teneri dicemus, si tutor accedat? Quod haud asserendum. Præter enim quod moribus pupillorum tutores optime prospicere teneantur, & ab ejusmodi exercitio prohibere, ne tristis exitus eos, post dispersum patrimonium, expectet. *l. f. §. 5. C. d. Bon. que lib.* hoc quoque exigitur, ne spoliare pupillum, aut res ipsius perdere sinant. *L. 7. §. 3. D. pro Empt. f. l. 22. D. d. Administr. Tut.* Idem jus in minore statuendum, opus tamen, si juxta modum legibus permissum ludo quid deperditum fuit, restitutione integrum habet, cum in actu valido versatus fuerit. Neque obstat nobis dicterium: in delictis non subveniri solere minoribus *l. 9. §. 2. D. d. Min.* hoc loco autem adesse delictum. Distinguiamus enim ad jutorio *l. 37. §. 1. D. d. in.* an delicta sint atrociora an non? Nemo autem facile ludos tales ad priora referet. Insuper plane hic cessare delictum videmus,

Viçi jura.

Qui vel habet
liberam admini-
strationem,
vel non.

Jura Pupilli.

mus, quoniam minor nihil ultra legis permissum suscepit. Jure Saxonico tamen, cum ad certum modum adolescenti decimum nonum annua attingenti ludere sit concessum, ORD. POL. d. 1661. Tit. 8. §. *Ulein*, Remedium minoribus indultum recte cessabit. Victum furiosum aut alia mentis eclipsi laborantem nihil valide posse perdere, vel ex primis jurium principis constat, cum non intelligant, quid agant. §. 8. *J. de Inut. Strip.*

J. Sax. minoribus 18. annis recte ludunt.

XIX

Quod ad homines attinet, qui plenam rerum administrationem habent, illi aut modum a Legibus statutum observaverunt, aut non observaverunt. Priori modo si e. gr. in ludo virtutis in uno congressu unum solidum quis perdiderit, aut jure Saxonico ordinatum, prout supra memoravimus, modum in ludis fortunæ & mixtis non transgressus sit (Civili enim jure hi non erant permisi, quando in primis in pecuniam ludebatur l. 2. §. 1. *D. de Aleat.*) nullum est dubium, quin victori agenti ex voto cadant sententiæ, nisi tamen & hoc in casu fraus intervenerit, aut quis alterum nimis ad ludendum sollicitaverit, a. l. 1. §. f. l. 2. *D. d. aleator.* SCHOEPPF. in *Syn. D. p. 219.* tenent enim GLOSSA GERM. ad *Pr. Lib. I art. 6.* re-
 te dicit: Nun soltu wissen eine sonderliche Regel von Hand-Spielern und von ihrem Rechte, das wiss, ein Spieler ist viel böser denn ein Räuber, denn als er mit einem spielet, könte er es ihm ab-
 C 3 wun-

De eo, qui liberam rerum habet administrationem.

is summani jure permittam cum Effectu amittit.

Nisi machinatio callida intervenerit.

wünschen, er thät es viel lieber, denn daß er es ihm abgewinnen sollte, vide etiam D. AMBROSIIUM loquentem apud PEREZIUM *ad Tit. C. de Aleat. n. 3.* At posteriori modo i. e. si ultra permissum legis lulum erat, repetitionem & conditionem amissi largimur.

XX

Amiffæ, a jure autem non approbatæ rei repetitio conceditur,

Atque istam repetitionem J. potissimum Civili introductam videmus *L. f. C. d. Aleat.* ubi duobus modis succurrere voluit Imperator victo ejusque hæredibus, tum per actionem, tum etiam per exceptionem. Priori modo, si jam pendente ludo, aut post ludum, aliquid solutum esset, conditionem soluti non solum adversus ipsos aleatores, sed & eorum hæredes concessit, sicuti quoque in liberis obtinet, si pater omnes facultates ludendo amiserit, repetitio datur in totum, quanquam Dn. STRYCK. *ad Lauterbach. p. 159.* eam solummodo usque ad legitimam concedat, imo *d. l. f. C.* admisit conditionem indebiti, quia ex falsa causa & juribus non probata solvit *l. 26. §. 2. D. de Cond. Indeb.* Posteriori exceptionem non fundatæ vel concessæ a jure actionis *D. L. f. ibi. nulla sequatur condemnatio,* permittit.

XXI

Objeçtio, an repetitio sit inhonestæ, refellitur,

Forte verò quis dixerit, minus tamen honestam existimari repetitionem, cum veluti pactum tacitum de non repetendo intercessisse videatur. Nos quidem non latet, quod in *l. 144. pr. D. d. R. 7.* circumfertur;

non omne, quod licet, honestum esse. Atquando in contrarium ultro citroque reputamus, alterum ex titulo non licito acquirere, eamque acquisitionem fieri cum alterius insigni damno, saepenumero per hoc rei familiari aliquid detrahi, malitiam insuper non raro alterius, quod non ferendum *l. 38. D. d. R. V.* per ejusmodi conniventiam augeri, & neminem alteri jure permittente facere injuriam. *l. 13. §. 1. D. d. injur.* facile contrariam amplectemur sententiam. Quid autem prodesse demum putemus Victo non exactam pecuniam, cum tamen a plane non ludentibus exigi queat! Habet enim pater negligentis filii & moventis actionem procul dubio ob patriam potestatem & usumfructum in bonis ejus competentem actionem & exactorem *l. f. C. d. Aleat.* adeo ut, & hoc cessante, exigendi Jus per Episcoporum & Præsidum loci auxilium defensori civitatis competat, Fisco tandem, si hic segnis forte reperiatur, in exactione succedente *d. l. f. C. de Aleat.*

XXII

Neque blandiantur sibi victores, fore, ut post ordinarium actionibus præstitutum tempus triginta nempe annorum *L. 3. C. d. Præs. 30. l. 40. ann.* liberos ab omni exactione se existiment, quandoquidem dicta actio dubio procul ob exosos lusionum cultores non prius extincta dicenda sit, quam post quinquaginta annos completos. *d. l. f.* imo ad nonagesimum fere annum durare potest, si in fine ultimi anni præscribendae actionis victus experitur contra victorem,

hoc

Repetitioni
ordinario
modo non
præscribitur.

Sed 50. anni
requiruntur,
aliquando ad
90. annos ex-
tenditur
hoc
præscriptio,

hoc deinde litem contestante & cessantibus partibus in continuando processu ad octo adhuc lustra d. actio perpetuaretur. *L. f. C. d. presc. 30. l. 40. annot.*

XXIII

Ratione præ-
scriptionis &
repetitionis
Saxones Jus
Civile ample-
ctuntur.

Sancita juris Civilis, tum quoad repetitionem, tum vero præscriptionem, apud Saxones adhuc hodie obtinere, ex eo liquet, quod apud hos in hoc juris doctrina specialius jus introductum haud proferet. Unica fere est in lusu fortunæ & mixtis exceptio. Sicuti enim jus Civile repetitionem intuitu horum ludorum indistincte admittit: Ita victus vicissim, Victore juxta legis præscriptum agente, plane ab opponenda non competentis actionis exceptione repelli solet.

XXIV

Num repeti-
tio ex consue-
tudine in Sa-
xonia cesset?

An Saxones in
Subsidium Ju-
re Civili obli-
gentur?

At vero hodie potissimum apud Saxones vi consuetudinis restitutionem perditæ cessare, ac per consequens nec opus esse præscriptione, censent, remque ex *l. 8. D. de Condict. ob turp. caus. & l. 5. D. de donat.* illustrare conantur. *CARPZ. L. 6. Resp. 96. n. 16. seqq.* Nostrum hic est inquirere, an res sese ita habeat. Præjudicium, an sc. Saxones in subsidium Jure Civili obligentur? ante omnia est removendum. Hoc sicuti affirmare necesse habemus, tum quod non in paucis Saxonici juris partibus expresse provocetur ad Jus commune vid. *O. P. S. Tit. 6. §. Diewel, und selcher Effectus* & in summo Provocationum consilio, si deficiat Juris Saxonici dispositio, sæpius respiciatur, tum quod

26 ACTIONES OCCASIONE LUDI

latas tota sublata fuit *L. 2. C. qua sit longa consuetudo.* Argumenta, quod ista consuetudo ob irrationalitatem concurrentibus circumstantiis eandem moraliter malam reddentibus allegari nequeat *d. Nov. 134. c. 1.* consulto omittimus. Conf. *Dist. 8. c. 3. 4. & 6.* Alias pro hac consuetudine in Responso quodam ad nostram instantiam dato verba facit Dn. D. J. H. S.

XXV

Disputatio
Schöpfferi de
hodierna ludorum
justitia in quibus-
dam capitibus
nostrae Diss.
contrariis re-
censetur,

Francofurti ad Viadrum habita est 1690 sub praesidio Juris-Consultiff. Dn. SCHÖPFFERI dissertatio Juridica de *hodierna ludorum justitia*, in qua imprimis pro destruendis iis, quae jam dicta fuere, laboratur. *Ipsos Principes ut & Augustas tam chartulis lusoriis, quam taxillis ludere solere, premiumque retinere, si minus, victori illud concedere*, asseritur. Princeps ludit & hoc facit, quoniam nullam legem sibi praescriptam habet, subditi autem hoc in sui commodum allegare nequeunt, Princeps enim actum alias indifferentem prohibere potest tanquam Princeps, qui deinde post prohibitionem ratione subditorum pro turpi habetur, ratione vero Principis honestus videtur. Et quamvis bene sit Reipublicae consultum, si se alligatum Legibus Princeps profitetur, alligatus tamen dicitur propria sua voluntate; non necessitate, ergo a sua voluntate recte iterum recedit Conf. *L. 22. D. d. Leg. 3.* Neque obstat, *Principem subditis suis concedere quoque premium ex lusu*; nam & hoc recte facit, quoniam leges suas mutat, inde tamen non statim inferendum: Prin-

Princeps pro hoc vel illo tempore in uno ac altero individuo remittit aliquid de rigore legum suarum, ergo semper & in universum leges sunt abrogata. *vid. C. 16. quest. 1. Can. 39.*

XXVI

Opponitur porro, *Principes novos ludos fortune* Continuatur
& mixtos chartulis precipue lusoriis excogitare solere; oppositiones
 Verum hoc facientes, sui oblectamenti gratia susci- Schoepfferia-
 piunt, exinde tamen non statim concludendum, supe- næ, & ad eas
 riores subditis suis immoderatum ludum permittere, respondetur.
 nam tacite hoc volunt, ut subditi quidem ludis utan-
 tur, interim moderamen ordinationum Politicarum
 diligenter observandum ab iis esse, simul innunt.
 Eodem modo responderi potest, quando instant: *in*
omnibus tamen cauponis & domibus, in quibus vinum
venditur, hodie reperiri tabulas lusorias, cui quandoque
solere jungi chartarum fasciculum, audientibus & viden-
tibus Magistratibus horumque ministris. Possunt enim
 in cauponis recte sustineri Ludorum hæc genera ad
 modum Legibus præscriptum, cum in totum constitu-
 tionibus Principum non sint prohibita, si autem Magi-
 stratus excessum animadvertat, nec poenam dicitet,
 hujus desidia potius adscribendum, cum non viden-
 dum, quid Romæ fiat, sed quid fieri debuisset *L. 12. D. d.*
Off. Præs. Nec ad rem facit, *in nundinis venum quotidie*
exponi tabulas aleatorum & chartulas lusorias. Hoc
 nempe similiter fit, non ut instrumentis hiscæ cives ab-
 utantur. Et quanquam ulterius urgeatur, *tolerari opi-*
fices, qui non nisi chartulas lusorias consciunt, & hoc no-

mine tributum solvunt, debent enim, cum simpliciter Ludi non sint prohibiti, esse, qui instrumenta talia conficiant. Nec est, quod queramur, *concedi privilegia, ut quidam soli chartulas pingant & conscribant*, quod iuste posse concedi putamus, cum ita rectius præcaveatur multitudini chartularum. Quando denique dicitur, *Fiscalem fere nunquam actionem movisse contra victorem*, tunc respondemus, aut victus ipse repetit, quæ sua fuerunt, aut Fiscus in casu, quo ipsi jus super est, aliquando nobis ignorantibus exegit. Præterea ludi ejusmodi sæpenumero inter privatos cancellos suscipiuntur, ut plane ad Fiscus notitiam non perveniat. Crederemus interim, si Protocolla judiciaria nobis investigare liceret, futurum esse sine dubio aliquid, quod ad nostram sententiam stabiliendam pertineret.

XXVII

Jure naturali
repetitio de-
neganda.

Rectius jure connato actionum ad repetendam pecuniam ex lusu concessam esse negamus. Sicuti enim dicto jure nemo rebus meis leges præscribere potest, ita hætenus illas vel huic vel illi rei impendere possum, & sicuti juxta rectæ rationis dictamen non prohibeor donare, ita nec deneganda est translatio rei meæ in alterum ex eventu incerto, ut hic fit, cum lusus aliqua ex parte imitetur contractum conditionalem, neque prohibeor petere summam ab altero fortuna adjuvante per lulum in me delatum. Interim tamen, si quis ita immoderate & quasi cum neglectu familiæ suæ ludo insisteret, adeo, ut denique pauper evaderet, *er spielet sich zum armen Manne*, ita quidem, ut ne quidem haberet,

Limitatio.

ret, unde se suosque aleret, merito ad repetendam pecuniam, ad suorum alimenta, obligaretur. Non videtur enim a Natura habuisse liberum arbitrium abdicandi se a re illa, quae ad Tertium conservandum pertinebat, cum quilibet sobolem suam & familiam, cujus secundum Deum autor est, facultatibus acquisitis tueri teneatur.

XXVIII

Sæpenumero autem desistere a ludo necesse esset ludentibus, nisi forent aliqui, qui hos, porrigendo pecuniam, diutius in eo detinerent. Horum jura brevibus quoque exponere præsens materia postulat. Aut vendunt ludentes aliquid, aut mutuum suscipiunt.

Certi quidam sæpe ludentes in ludo sublevant.

XXIX

Priori modo caute agere emtoribus convenit. Quod si enim venditorem ludentem videant minus felices progressus in ludo facere, itaque ludo intentum esse, ut, quicquid demum fiet, perditurus sit, merito a contractu emtionis venditionis abstinebunt. Si enim pretium ludenti pro merce dederint absque traditione mercis, ipsi non poterunt postea ad traditionem agere, quoniam venditori luxurioso aliquid elargiti sunt *l. 8. in fin. D. pro Emt.* & sibi imputent, quod melius non vigilarint, *l. 203. D. d. R. 7.* Multo cautius ejusmodi emtores acturi sunt, si cum ludentibus, qui parum aut nihil adhuc amiserunt, dictum negotium contrahunt. Etiam si enim scio fore, ut pecunia consumi queat, nihilominus bonæ fidei emtor sum, nihilque mihi impu-

Emtoris jura ementis a ludentibus.

30 ACTIONES OCCASIONE LVDI &c.

tari potest *l. 8. D. pro Emptore*. Interim tamen hoc emptori infortunium accidit, ne postea re evicta regredi adversus venditorem queat, exceptione potius tam in anteriori casu, si scilicet traditio subsecuta, quam in presenti submovebitur. quando in ludo contractus est celebratus *L. 2. §. 1. D. Quar. rer. actio non datur*.

XXX

Jura pecuni-
am mutuan-
tis ludenti,
cum Distin-
ctione.

Quid igitur sentiendum de eo, qui, dum luditur, mutuam ludenti dat pecuniam? Considerari omnino debet, an expressa fuerit causa mutui ad ludum, an vero non. Prioris generis feneratori deneganda videtur, similis enim est ei, qui quasi perdituro pecuniam sciens credidit. *L. 12. §. 11. D. Mandat*. Contra in secundo casu considerati creditores audiendi erunt, cum ipsis imputari nequeat, quo inquirent, in quam rem mutuatarium pecuniam versuri sint, *a. l. 8. D. pro Empt*. Quod si tamen priori casu debitor postea intervallo quodam promiserit, vel præceptum judicis de solvendo sponte receperit, tunc etiam tenetur ad solutionem, & Creditor quasi jure postliminii actionem nanciscitur, quia sublata censetur prima causa turpitudinis *a. l. 2. C. de his que vi &c*. Ergo nunc finem dissertationi imponimus, cum omnia, quæ in principio promissimus, jam reapse, quantum nobis constat, adimpleta sint.

F I N I S

CON-

CONSPECTUS IN TABULA

I. Personæ Principales æque sunt	¶ Victor (9) qui si est	¶ Clericus non agit (10) ne quidem ex ludo ingenii. (eod.)	¶ Jur. Civ. si una vice solus fuerit positus (11) quid juris in paupere (eod.) non tamen ex ludo fortunæ & mixtis (12) Jur. Rec. retinet, quod lucratus est ex alterius numerata pecunia (eod.)
		¶ Secularis agit & quidem	Jur. S. Ant. ubi non quidem cessabat officium iudicis ipse tamen nihil petebat (13) J. S. El. in ludo virtutis obtinet jus Civile (14) in ludis cæteris ad thalerum &c. usque agit (15) ubi simul inquiritur quid juris, si major legibus permissa summa petatur (16) aut si pupillo, minor &c. majorem summam lucrati sint. (17)
Agentes occasione ludi, p. & h. sunt.		I. liberam re- rum ad- ministrati- onem ubi si	¶ modum a legibus præscriptum observabit, nullam habet exceptionem (19) nisi dolose inducitur (eod.) Modum non observavit, repetitionem & conditionem amissi habet (20) nec in iuste (21) & huic repetitioni post 30 annos præscribitur (22) etiam certo modo jure Saxonico (23) qua occasione simul, an vi consuetudinis hodie repetitio cesset, disquirunt (24) & disputatio SCHOEFFERI 1690 habita modeste refutatur (25 & 26) tandemque de jure naturali repetitionem non obtinere demonstratur, (27)
	¶ Victor (18) qui habet	I. non habet	
I. minus Principales pag. seq.		pag. seq.	

CONSPECTUS IN TABULA

Agentes occasione ludi sunt	Personæ principales, eæque	l. Victor l. Viduus qui habet	l. liberam rerum administrationem v. pag. præc. Non habet, qui sunt pupilli minores, Filii familias, qui certa ratione in integrum restituantur. (18)
		Susceptor, (2) quem princeps recte fovet, (3) at cum hi regulariter sint exosi, (4) distingui debet	Jure Civ. an lusores virtutis gratia receperit, tunc actionem nanciscitur (5) Debet tamen modum juris observare, alias receptor nihil, sicuti nec aliquid ex ludis fortunis & mixtis petit (6 & 7) Jure Saxonico certa ratione in omnibus tribus ludorum generibus susceptores actionem instituunt (7) & Sic Utroque jure hospes injuriam tempore ludi permitti sibi illatam vindicat (8) alias non.
	l. minus Principales, eæque sunt	Ementes aliquid tempore lufus (28) ubi	Si traditio non statim subsæcuta, non potest postea ad tradendum agere (29) Sivero subsæcuta, nulla evictio locum habet (d §, 29)
		Mutuo dantes pecuniam, ubi distinguitur, an	Expresse pecunia ad ludum sit data & nihil repetunt. (30) Non expresse, repetunt, (30)



Leipzig, Diss., 1712 A-0

X 241 7849





18

DISPVATIO JVRIDICA
QVA
ACTIONS
OCCASIONE LVDI COMPETENTES
VEL NON

Die Klagen
welche in Ansehung des Spiels anzustellen sind
oder nicht.
DECRETO

ILLVSTRIS JCTORVM COLLEGII

PRESIDE

P. 228,

SIGISM GOTTLIEB HILLIGER
JVR VTR DOCTORE

PLACIDÆ ERVDITORVM COLLATIONI

AD DIEM 27 SEPT

SUBMITTUNTUR

a
JO GVILIELMO KONHARD LIPS

LIPSIÆ

ANNO MDCCXII



~~P. 215~~
Pri. 22. num. 26.

1712, 4⁸